

北洋官報

本局第一百十一期 政法學報 現已出版

宮門抄
上諭

交旨

奏議○直督奏命盜各案彙摘簡明案由摺△又奏贖政
 征解正雜錢糧摺△又奏報撥養育兵丁錢糧摺△成
 都將軍馬等奏辦理禁煙摺
 公廣○津海關道等詳一件△懷柔縣呈一件△川督札
 一件△豫撫札一件
 文告四則△電報九則△新聞十二則
 彙編○南洋勸業會出品分類細目

宮門抄

八月初六日 吏部 翰林院 廂黃旗值日 民政部引 見八名 理藩部引 見三名 正白滿引

見六名 內務府引 見二十一名 朗貝勒請假十日 掌禮司奏初十日祭 奉先殿潤貝勒行

禮 又奏十三日祭 奉先殿補貝子行禮 內務府奏派致祭 凝和廟 派出奎元 召見軍

機 趙熙遞封奏一件

上諭

八月初六日內閣奉

上諭毓朗現在請假步軍統領著善耆署理欽此

上諭理藩部奏御前行走阿拉善親王多羅特色楞年班差畢因病未能回原游牧現在病故多羅特色楞當差有
 年實屬勤奮茲聞溘逝軫惜殊深著加恩派員勒載潤帶領侍衛十員即日前往奠醴賞銀五百兩治喪由廣儲
 司給發其餘應得卹典該部照例辦理以示優恤藩臣至意欽此

交

旨

八月初六日 軍機大臣欽奉

諭旨本日理藩部帶領引見之花翎二等塔布囊巴布色楞著承襲喀喇沁扎薩克頭等塔布囊旗輔國公欽此

奏議錄要

直隸總督端奏命盜各案彙摘簡案由摺

奏爲命盜各案照章彙摘簡案由恭摺仰祈

聖鑒事竊查直隸尋常命案死罪案件照章彙奏造冊送部又

經刑部奏准如事在光緒二十七年十月以後者仍將全案供招造冊咨部等因均經遵照在案茲據按察使何彥

昇呈稱查有唐縣民婦張劉氏因伊夫張開先年幼不通人道怨恨難忍欲圖改嫁起意用麻繩謀勒張開先身死

將張劉氏依謀殺夫已殺者凌遲處死照章改爲斬立決又甯津縣獲賊尙憾塗等糾夥三人械搶事主劉長海布

匹錢衣等物拒斃事主將尙憾塗陳曉均依搶奪三人以上但經持械並傷事主者爲首及五場動手之犯照強盜

律斬決強盜殺人不分會否得財斬梟例擬斬立決梟示照章改爲斬立決又吳橋縣獲賊高廷蘭糾邀張伍山途

搶事主詹華亭等騙馬用洋槍刀械拒傷詹華亭身死並傷詹蒼林平復將高廷蘭卽高廷依白晝搶奪殺人者

斬決例擬斬立決照章改爲絞立決張伍山依爲從未從幫毆成傷例擬軍又懷來縣獲匪陳汝詳因圖得蕭金有

子驢頭用石塊謀殺蕭金有子身死將陳汝詳卽陳泗沅依圖財害命得財而殺人命者首犯斬決擬斬立決照章

改爲絞立決該犯等恭逢光緒三十四年十一月初九日 恩詔張劉氏尙憾塗陳曉高廷蘭陳汝詳均不准查

辦高廷蘭案內張伍山不准援免准免監禁以上四案業均由司提審解勘發回分造供招清冊彙呈請奏前來奴

才覆核無異除清冊分咨部院外理合違章摘叙簡案由恭摺具陳伏乞

皇上聖鑒敕部核覆謹 奏宣統元年八月初一日奉 硃批法部議奏欽此

又奏前任兼管鹽政任內徵解正雜錢糧摺

奏爲前任督臣兼管鹽政任內徵解正雜錢糧等款銀兩恭摺仰祈 聖鑒事竊據長蘆鹽運使張鎮芳詳稱查

明前任督臣楊士驥自光緒三十三年八月十二日起至宣統元年五月初九日止兼管鹽政任內徵解正雜鹽課

銀兩舊管存銀四十一萬七千四百六十八兩五錢一分四釐新收銀一百三十二萬九千九百十五兩九錢七釐管收共銀一百七十四萬七千七百八十三兩六錢一分一釐開除銀一百四十四萬三千一百三十八兩一分二釐實存存銀三十萬四千六百四十五兩五錢九分九釐內除留解河工銀一萬一千三百八十八兩八錢六釐淨存銀二十九萬三千三百二十六兩七錢九分三釐係應留解各項餉需之用又查餘平一款舊管無項新收銀三萬三千一百一十七兩三錢八釐開除銀三萬三千一百一十七兩三錢六分八釐實在無項又查鹽斤復價一款舊管存銀十三萬五百三十四兩五錢新收銀四十二萬二千六百四十三兩六錢管收共銀五十五萬三千一百七十八兩一錢開除銀三十五萬兩實在存銀二十萬三千一百七十八兩一錢係應留備本省軍餉之用理合分晰造具四柱清冊詳請奏咨前來奴才覆核無異除將清冊咨部外理合恭摺具陳伏乞

皇上聖鑒敕部查核謹 奏同日奉 硃批該部知道欽此

又奏報撥本年秋季養育兵丁錢糧摺

奏爲報撥本年秋季分 西陵八旗養育兵丁錢糧銀兩恭摺仰祈 聖鑒事竊據布政使崔永安呈稱易

州供差 西陵八旗養育兵丁向係按季專案詳請題撥歷經遵辦又於光緒二十九年二月二十九日轉准

戶部議覆守護 西陵大臣載潤等奏 莊順皇貴妃位前四旗兵丁生齒日繁請添設恩缺養育兵四分一

摺奉 旨依議欽此等因行知到司當經轉行遵照均經詳明按季撥發在案茲據易州請領宣統元年秋季

分養育兵五十六名每名季支銀四兩五錢共銀二百五十二兩又新添養育兵四名每名季支銀四兩五錢共銀

二百五十二兩又新添養育兵四名每名季支銀四兩五錢共銀一十八兩以上共銀二百七十兩照章改折八成

實銀二百一十六兩覆核數目相符應在司庫地糧銀內照數動撥給發按照新章詳奏前來奴才覆核無異除分

咨查照外理合恭摺具陳伏乞

皇上聖鑒敕部核覆謹 奏同日奉 硃批該部知道欽此

成都將軍馬亮等奏成都駐防辦理禁煙情形摺

奏爲成都駐防辦理禁煙情形摺 旨恭摺覆陳仰祈 聖鑒事竊奴才等恭閱電鈔宣統元年二月二十四

日欽奉 上諭禁煙一事乃今日自強實政教養大端特此再行申諭京外各衙門各將如何辦法自行切實履

奏等因欽此仰見我 皇上除毒務盡於禁吸禁種及抵補稅釐三事分權限而專責成 訓示周詳莫名欽

悚伏維鴉片流毒已近百年實爲中國貧弱之原因今者 嚴詔頒頒列邦協助廓清之機豈容坐失 朝廷

痼痼在抱不惜歲捐千百萬稅釐爲民除害部臣疆吏於籌款抵補亦皆苦費經營若仍空文敷衍搪塞一時甚或

有不肖胥役包庇欺朦以遂其假公牟利之計轉瞬十年限滿不惟民間之痼疾難望瀚除且致西鄰之責言尤爲

可慮此奴才等共切隱憂不敢稍避嫌怨者也查禁煙之策不外禁吸禁種兩大端而入手辦法則以禁開煙館爲

第一要義蓋煙館最易引人落窰而納垢藏污流弊更不一而足也奴才等去冬到任後訪聞滿城內有漢民賃屋

私開煙館十餘處當經出示嚴禁限至本年二月初二日一律閉歇屢次派員密查均已改業他徙種煙之事川省

所在多有旗丁無田可耕向無此弊奴才等前巡視滿城見校場及附近城牆一帶尙多空因地因飭各旗栽種桑秧

五萬株近已敷榮可期成活蓋於振興蠶業之中卽杜偷種罌粟之患也現在滿營亟宜嚴辦者惟禁止吸食而已

蜀中乃產土之區煙價較他省爲廉傳染亦較他省爲廣以駐防人數而論固已十有一二長此沈迷害將胡底光

緒三十二年奉 旨飭禁經前任將軍綽哈布設立戒煙公所派員清查八旗職官之有煙疾者計三十一員

當撤差委予限戒斷兵丁及閒散人等共九百零六名收入所內分作數起辦理會將試驗冊結咨送陸軍部並將

屢戒不悛之防禦諸木欵等附片奏革嗣又遵照查驗章程設立查驗所逐一傳驗留所食宿必數日不改常度始

令仍舊供職於三十四年八月十二日專摺 奏明並填表咨送禁煙大臣查核在案聞當日辦理亦極認真無如

錮習太深驟革匪易奴才等到任密加察訪或戒而未淨或斷而復吸仍不乏人當又嚴申禁令勒限戒除每遇挑

補官缺兵缺奴才等皆親赴校場先則試以槍準繼則問以字義凡戒煙未淨之人豫飭不准開列問有槍能命中

文義亦通而煙癖甫除身體瘦弱者雖經入選亦皆暫爲扣除以昭慎重近日編練滿營巡防隊改訂警察章程按

格以求選擇尤加嚴核八旗各學堂師生以及諮議局選舉人員并印房文案等處均不准有嗜好者濫廁其間使

咸知一論煙籍不免廢棄終身或可激發天良保全人格茲復奉 明諭諄諄嚴戒推諉更不容粉飾因循上負

深宮期望下貽外人口實當即分飭各協領等詳查去後現據覆稱舊有煙疾之職官俱已斷淨並未重吸兵

丁等亦爭自濯磨其中有斷戒不易者三十餘名或已告退或已斥革併有銷除旗檔及送赴乞丐廠者此外官員兵丁尙無新染嗜好之人各取具切結暨聯名保結由該管官層遞加結呈送前來奴才等疊傳各旗員世職到署覆驗均屬相符兵丁等亦多面色光昌氣體壯實當舉旗營生計之艱與鴉片貽害之烈反覆勸誠似皆有所感悟惟是俗情之轉移莫定當官之耳目難周謂經此次嚴查之後永可弊絕風清此實未能深信奴才等惟有整躬率屬隨時抽查儻有日久玩生復萌故態者官則據實糾參兵則立予責革該管各官及出具保結之人一併從嚴究處斷不敢稍爲迴護務期淨絕根株早收效果以仰副 聖明振弱圖強咸與惟新之至意除將各結存案備查并咨明禁煙大臣陸軍部查照外所有成都駐防辦理禁煙情形謹遵 旨恭摺覆陳伏乞 皇上聖鑒訓示謹 奏宣統元年八月初二日奉 硃批該衙門知道欽此

公牘錄要

津海關道漁業公司會詳遵飭核議由漁業公司代鈔關徵收漁戶船捐文並批

爲會詳事竊照職道多森於宣統元年三月二十二日奉 前督憲楊札開據津海關道詳稱案查前據甯河縣予假在籍太常寺少卿高慶恩等稟稱北塘漁船完納鈔關漁業公司兩處捐款民力未逮請酌留一處旗捐以紓民困等情當以職關船捐關緊要需未便予停應酌量核減擬照漁業公司捐款加抽一半卽由公司代徵撥解在漁船已蠲三倍之捐不致再有異言職關稅款亦不致全無著落等因函商漁業公司核覆去後茲准覆稱以前議代徵鈔關漁船捐一事請照公司捐章加收一倍按月撥交業經敝處奉覆漁船捐係分季繳納至鈔關船捐撥交之處難以照辦在案茲准前因復以漁船捐款既係分季繳納則代徵鈔關之捐自亦可改爲按季撥交以歸一律囑卽查照核辦見覆等因前來此係變通章程但能兩無妨碍原可合同辦理惟查敝處權限祇能專收漁捐發給旗照不能侵及各項船捐所有鈔關船捐應如何徵收仍請尊處自行設法籌辦等因函覆前來職道查鈔關船捐開辦在先漁業公司開辦在後揆之情理自應免徵後出之捐且漁業祇應徵收漁稅不能因業漁而併徵其船鈔關船捐向須報部開支各款關係要需勢難減免前此商請代徵原是委曲求全之意今既窒碍難行惟有詳請免去漁業公司船捐而職關船捐復加核減以恤商艱是否有當理合詳請查核批示祇遵等情到本督部堂據此除批

據詳已悉候行孫道多森核議具覆以憑飭遵此繳等因印發外合行札飭札到該道即便遵照辦理等因奉此職道多森當以事關代徵船捐須先委員查明情形方能核辦隨即派委方倅魯前往北塘一帶詳查具覆去後旋據方倅稟稱遵赴北塘一帶查勘情形該處全是瀆地小民向以晒鹽捕魚爲業詢問該處紳董漁戶張良卿等僉稱自庚子亂後灶戶鹽灘皆變爲荒地築灘先須挑溝通海使海水爲之源流奈苦無資本事未舉辦今僅恃捕魚爲民之生計魚苗興旺之年漁民尙可藉以糊口設遇魚苗不旺之年漁民卽有饑寒之慮所有該處漁船每年應交鈔關及漁業公司兩處捐款理應照納惟鈔關船捐每年須交三次應交款數太多力有未逮故曾稟請恩免等語卑職當向再三剴切開導以近年國庫空虛籌款維艱尙望仰體憲意勉力維持復據該紳董等聲稱漁民亦知急公好義但力甚棉薄實難照舊交款求將下情上達懇恩俯恤商艱將鈔關捐款援照漁業公司捐款成案每年只收捐款一次照章按船之大小分等納捐其餘兩季概予豁免如此尙可勉力支持否則漁業殊形困難至於鈔關捐款歸漁業公司代徵原無關漁民出入但求恩准減免捐款由明年起呈交其款交何處惟命是從等語并據該紳董等將鈔關及漁業公司每年收捐數目開摺稟呈核辦前來卑職查該紳董等面述各節均屬實情鈔關之船捐每年應收三季如令照舊交納力實有所未逮可否免收兩季只收一季之處卑職未敢擅專如蒙恩准減免兩季其下剩之一季似可歸漁業公司代徵所有奉委查明情形并酌擬代徵鈔關船捐緣由是否有當理合檢同紳董原稟表摺據實稟請察核示遵等情據此由職道多森函達職道紹基彼此商酌以爲船捐固然應徵而商艱亦應體恤該委員所請每年代收船捐一季係爲恤商起見轉商鈔關允許減免兩季每年代收一季惟此款限於每年八月十五日以前交納如逾限不交應行罰辦並附送漁船捐款照式前來職道等查閱該照係按鈔關向章將漁戶船捐分爲六等從前每年應收三季現議只收一季實屬減輕既經議由漁業公司代收自應照辦惟念現已七月中旬若待詳奉批准刊妥捐照板片印備齊全尙需時日轉瞬卽屆八月如令卽於本年八月十五日以前繳一年之款仍恐有所藉口且查方委員並該紳董張良卿等所遞稟詞曾據聲請由明年起呈繳似應照案辦理請於本年秋季間發照俟宣統二年秋間再行請交捐款嗣後每年八月十五日以前另換新照亦仍照交船捐一季以符原案而示體恤所有遵飭核議由漁業公司代鈔關徵收漁戶船捐緣由是否有當理合具文會詳 憲台

察核批示祇遵爲此備由具詳伏乞 照詳施行
督憲端 批如詳辦理仰卽飭遵此繳

懷柔縣孟令清雙稟縣境河水漲發現在水已退盡民心安貼文並批

敬稟者竊卑縣境內自春入夏雨澤稀少農民望澤甚殷至五月間得雨數次禾稼勃長農民慰望詎至六月初旬大雨連天河水漲發山水下流以致平地水深數尺正擬查勘間卽據縣屬霍各兩河等八村莊紛紛具報前來當卽親詣各村周歷履勘查得高原之地水退甚速禾稼不致損傷卽低窪之地雖被積水淹沒幸而時令尙早亦可設法補救卑職隨卽督飭各村村正副鄉保人等令卽多集人夫凡有積水之處趕緊設法疎消以免久淹爲患一面飭令各糧店平減糧價以安民心現在水勢均已退盡民情尙屬安貼糧價亦不甚昂堪以上慰 憲廑除俟秋收之際再由卑職察看情形是否成災被歉應否詳請撫恤再行稟報外所有卑縣境內河水漲發現在水已退盡察看民情安貼各緣由理合馳稟 大帥查核肅此具稟恭請 勛安伏乞 垂鑒 督憲端 批據稟已悉仰卽勒明秋禾被淹情形據實稟辦此繳

川督趙札飭各屬奏辦新政分別填表列入移交文

爲通飭事照得目前新政繁興期限孔迫凡屬九年籌備之事皆爲一日難緩之圖乃近日各屬地方官於奉文飭辦各要件往往藉詞更替彼此推延迨奉札催不謂舊任奉文未辦卽謂未接移交而前任亦以奉文未久卸任未及辦理等語任意搪塞其後任認真辦事之員雖并日而營轉受遲延之累似此推諉因循誤公誤人各種新政安望日起有功查光緒三十四年八月初一日恭奉 上諭憲政編查館資政院會奏議院未開以前逐年應行籌

備事宜一摺著各部院領袖堂官各省督撫及府尹按照單開各節依限舉辦遇有交替後任人員應會同前任將前任辦理情形詳細列明以期各有攸成免涉諉卸等因欽此惟各省舉辦新政督率之權在督撫而奉行之責實在牧令督撫之交替固宜明定攸成牧令之更易尤宜嚴分責任茲據勸業道以分別前後任各員責成等情詳請核示前來其意固爲杜諉卸重職務起見惟各署俱有應辦新政非止勸業一部分而已亟應一並詳細規定俾有遵循嗣後各屬地方官無論奉辦何項新政遇有交替必將何日奉文何事已辦何事未辦何事方籌未辦何事尙

未籌及何日限到逐款分別列表移交後任後任出結亦必申明所有奉辦新政均已提出列表移交一語並於到任稟內粘附移交之表通報考核凡前任將屆限而未籌辦及未屆限滿而不移交者以後若有貽誤雖已離任之員仍應分擔責任如奉文未過限期十分之三旋即交卸而又列入移交表內者則逾延之咎全歸後任似此分別考核與各局處詳准新政功過章程一體施行庶期限不等虛文要政可觀成效於各屬因循推諉之習或可漸資挽救除分行外合亟札飭札到即便遵照辦理切切特札

豫撫吳札調查局遵照法部咨飭屬辦理司法統計文

爲札飭事案查光緒三十四年十二月二十九日准 法部咨開統計處案呈本部院前經撰成第一次統計表冊並擬規畫司法統計大略奏請 諭令各督撫除例應報部案件仍照舊章辦理外應飭所屬府廳州縣將承審

管理之刑獄詞訟已結未結無論巨細分別刑民事按月稟報各省調查局列表呈報按年咨送臣部其已設提法司省分即由該司列表呈送並將已設各級審判檢察廳之規制案牘一併詳報到部等情具奏光緒三十四年六月十八日奉 旨依議欽此曾經通行在案今將第一次統計表排印成冊合行咨送查照惟此次表冊爲司法統計之權輿方擬逐歲改良漸臻完密再謀司法統一表式至各省情形不同應各就己辦表冊先行送部暫

不拘定一律爲此合再通咨請煩查照可也等因到本院准此當因其時本省調查局尙未設立將表札發臬司一本在案茲查該局業已成立自應補發遵辦惟是司法統計事屬創見苟非釐定表式通飭照填必致參差錯訛難期劃一應由局妥訂表式石印成帙詳明通頒飭遵至起訖日期部章係令按年呈報現在時已六月應否飭令自本年正月起按月補報抑即以七月起截至年終爲一屆此後再令按年填送亦即核擬隨詳聲覆仍俟按察司改爲提法司之日由局移交核辦以符定章而清界限除札催臬司迅將省城各級審判檢察廳迅籌成立以期不誤憲政年限外合行札飭札到該局立即查照遵辦具報切速此札

文告錄要

督憲批示錄要○陸軍第二鎮稟本年夏季考試優等目兵五名照章賞給銀兩由 批稟表均悉未經舉辦自行校閱以前仍照舊章賞給優等目兵銀四百一十兩以示鼓勵候行糧餉局查照撥發繳表存○蠡縣文生蔣濟

川等稟南宗村李夢修等儉挖唐河東岸請派委監修由 批已於高陽縣監生孫銘書等稟內批示矣仰清河
道查照辦理抄錄稟單批發

天津縣告示○爲出示曉諭事宜統元年七月十九日蒙道憲齊札開宣統元年七月十八日轉奉 督憲端批本
道詳覆遵飭核議該縣各典當酌減利息辦法請示遵緣由奉批據詳已悉天津城廂村鎮各典應如所議不論
當價多寡一律減爲二分五釐取息惟須提前自本年八月初一日爲始以恤窮黎當期仍照光緒二十九年以
前舊章辦理俟試辦三年後體察情形另再核定仰飭天津縣傳諭城鄉各當商一體遵照一面出示曉諭俾使
周知至每屆冬令視年歲之豐歉定減息之多寡應由藩司先期核議飭遵並由道移會藩司遵辦暨行天津府
天津商會查照此繳等因奉此除移行外合亟札飭札到該縣即便遵照傳諭城鄉各當商一體遵辦一面出示
曉諭俾衆週知毋延此札計粘抄詳等因奉此合亟出示曉諭爲此示仰津郡各當商並諸色人等一體知悉自
示之後爾等應遵憲札辦理至本年八月初一日以前原質當利查光緒三十年正月加利改革成案其二十九
年所質衣物原利二分者仍按二分取贖此次減利改革應援照成案所有本年七月二十九日以前所質衣物
原利三分者仍應按三分取贖本年八月初一日以後所質衣物概按二分五釐取贖以符前案而清界限其各
凜遵毋違特示

天津縣議事會議覆公告○孟起山高世榮王士洪王鈺蘭李世鐸劉慶春荆元發張鴻恩說帖爲條陳事 議覆
說帖閱悉所陳各條均經當會宣讀核議查第一條所云何忽辭職大衆認可一節按章程十六條凡已充議員
二年者再行當選自願辭職應聽之本會大衆認可者即本此條若問何忽辭職應請質之李君第二條所云各
節按李君來函謂諮議局當選勢難兩就且恐不能兼充其不能兼充一節已由 憲政編查館規定可以兼充
李君據此辭職本會自不能承認惟勢難兩就一語則爲李君本人之意思非他人所能干預又如所云并未表
決即將議長副議長候補一節按核議李君辭職事公同認可何謂并未表決核議更屬照章辦理之事請閱自
治章程自能了然第三條所云各節已詳第二條內茲不再贅第四條所云議決承認之宗旨與原來辭職之宗
旨不符各節按李君來函并未指明何條而本會核議則不能不本照章程李君既來函辭職無論如何李君必

欲達其目的本會查照章程有可聽其辭職之條則不能不議決承認故不能先揣李君之意係指何條辭職也第五條所云與第三條同不復置議第六條所云各節接李君來函辭職並未牽及一百六條之事實紳強爲牽涉恐人聞之返多一番研究也至稱次日又復表決係李君所要求必須投票若謂既經議決又復投票爲不合本會出於要求之下不得不如此辦理第七條所云權利義務二語不過報館開評本會亦不得索解必願明之請質之大公報館總之本會辦事悉本定章貴紳等關懷自治請日手章程一冊如本會辦事有不合之處具帖質問以匡不逮本會所甚望焉此覆

附錄天津官事○初五日 督憲率同現任司道府廳縣並各局所督辦總會辦於是日早八點鐘齊集本署花園紅樓會議新政○督憲札委江蘇候補道沈觀察邦憲會辦清理財政局差

電報錄要

倫敦電○土耳其政府因希臘國政界甚爲紛亂擬派兵駐紮土希邊界之處土國外交家提議現在土希兩國雖守和平大局然土國當預備戰事以保巴洛堪半島之利權聞土皇擬特派委員辦理此事

又電○英國管理郵政大臣提議所有各郵局均添設無線電以便傳遞消息并擬聘請電學專家組織一切云

又電○美國開掘巴拿馬運河總工程師告報此次美洲中央地震於河道工程毫無損傷

又電○英國輪船馬蘭田號在紐勞德蘭島擱淺全船被毀搭客均移於他船聞所有貨物均未運出

紐約電○美國北極探險家庫克氏與比理氏定於西十月到紐約各証明探獲北極之詳情

東京電○日本政府以駐上海總領事永瀧氏充駐間島總領事

又電○日本儲君於西本月十五號由東京啓程赴日本北部游歷是日在新橋車站送行者甚多

又電○日本兵庫地方失慎延燒二百餘戶調查焚燬財產共值七十餘萬圓之譜云

又電○韓國宮內瘟疫甚盛現在韓政府特組織防疫委員會以便設法遏止

新政紀聞

政治

實錄館添考蒙文繕寫員○京師 實錄館自開辦後精於清漢書法之員固不乏其人惟皆不諳於竹筆繕寫蒙古文字以故蒙古 實錄尙未能修日前已由該館咨照各衙門如有精於竹筆繕寫蒙文六品以下之人員請即咨送考試以便恭修一切云

開會籌設自治局○奉天錦州前署錦縣胡大令去錦後該縣自治宣講所已經停辦現署錦府高太守署錦縣張荷村大令於上月二十七日起在東街宣講堂邀請衆紳開特別會籌商設立自治局並派勸學總董李君維果郝君綱爲管理員云

自治公所之進行○江蘇常州府自治公所日前職員會議決事件爲蘇省自治研究所每縣須派送正班生副班生各若干人當經派定正班生每縣各二人由縣具文申送副班生俟舉定後再送劃定城廂區域即以固有之區域爲區域並擬繪一詳細地圖調查選民則於八月初一日開始調查員即以去歲諮議局調查員暨去今兩屆法政畢業生並再公推熱心之士充之屆時開一調查員談話並考究調查方法選舉日期則定十一月二十六七日未識能尅期蒞事否

學務

師範生掣分小京官辦法○吏部擬將此次大學堂師範預備科畢業生獎給八品小京官一項人員仍照原議暫儘吏禮學三部均勻掣分以俟將來再行設法變通云

譯學館兩級攷試展期○譯學館兩級學生本年七月間已屆滿八學期例宜舉行攷試無如現該館正值攷試他班畢業之期礙難併同舉行以故展限一月俟八月中旬 學部攷試遊學生後再行報部定期攷試云

法政學堂第二次招考○湖北法政學堂定章別科每一學年招一百名茲屆第二學年之始應行添招新班爰咨請學司通飭各屬考選紳班學員四十名咨送肄業其官班學員六十名則咨由藩司出示凡屬捐納保舉兩班之候補道府同通州縣佐雜人員在新章以後到省者均令赴司署吏房報名以憑造冊移送考試凡列四等者均令入堂肄業以資造就

民事

調查戶口之責成○奉天警務公所行政科片行各分局略謂戶口調查章程每年須於二八兩月全體重查一次茲已屆期相應通知各該分局希即督飭各戶口生會同各巡長按戶認真調查並將舖戶資本及舖捐若干隨時調查明白造冊另報以便轉送捐務科本科仍當派員抽查倘不認真致有誤漏即將該戶口生巡長等報請總辦處分此次調查時請仍飭各遵定章勿稍違玩致干查究云

飭籌安置回國華僑辦法○廣東紳董左慶欣等以安置回華僑民請給祇園寺酌撥倡辦等事稟請護院核示當奉批云歸國華僑亟應設法安置該商董等擬建養老習藝院俾免散處流離用意良厚所請撥款提倡之處候行司道等商明酌辦至東門外祇園寺前因僧人得林等縱令閒雜人在寺吸煙經禁煙局行縣查辦旋據該紳等呈明情形自應遵警章認罰前來已批令番禺縣提集覆訊酌議罰款並未將寺查封其寺前營地一區是何處衙門所管來稟亦未聲叙希廣東布政司會同按察司巡警勸業兩道即飭廣州府督同番禺縣查明並按來稟所擬辦法妥籌具覆核奪仍行該商董等知照

實業

催送各屬工藝表式○直隸工藝疊經歷任督憲札飭勸辦並屢由工藝總局所屬之勸工陳列所招考所製物品賞給金銀獎牌以示鼓勵數年以來各屬所設工藝局廠計增一半之多今年五月間恭奉諭旨飭催

農工商部籌辦工商要政由部咨行各省通飭籌辦期於一律普及頃直隸工藝總局接准崔方伯咨會已按照頒發工藝調查表式分行各府廳直隸州轉飭所屬凡尙未辦有工藝者均趕緊設法籌辦隨時填報其已辦者應審度情形隨時擴充改良報明查核

飭屬保護樂亭墾務○直隸樂亭縣境祥雲島地方有荒地三十餘頃現由該縣紳士王振麟等招股試墾因地處海隅恐受牛羊斧斤之害特在農工商部註冊稟懇保護茲聞已由部札令直隸商務議員督辦工藝總局孫

蔭庭觀察飭屬查明設法保護云

委派實業學堂監督○吉林實業學堂監督於暑假前因事請假南旋迄今尙未到差故曹學使日前詳請公署改派張中翰瀨充當實業學堂監督旋奉撫院批准由學署加札委派聞張監督現已到堂任差矣

第三百三十五類 運搬與冷藏之方法及其器具

第三百三十六類 遠洋漁業方法

第三百三十七類 漁村組織法及其模型

第三百三十八類 水產物之蕃植與保護之方法及其器具

第三百三十九類 水產物之標本及圖畫

第二門水產製品

第三百四十類 用品

一 眞珠珊瑚玳瑁鐵樹海綿鯨鬚鯨牙鯨骨介殼等

二 鯨油蠟魚油等

第三百四十一類 食品

一 魚翅海參大尾刺參魚骨等

二 海蜇鯊海蜒蝦米等

三 水漬罐詰油漬罐詰等

第三百四十二類 海鹽

一 鹽場裝置模型及製鹽方法

二 普通鹽燒鹽

第三門養殖

第三百四十三類 魚介之蓄養採卵孳生移殖等之方法器具及其模型圖畫

第三百四十四類 表示發育順序之標本及圖畫

第三百四十五類 餌料製造之器具及方法

第三百四十七類 魚介病害預防方法及病害之圖畫及標本

第二十部 飲食品

第一門 茶食

第三百四十八類 各種糕餅片蘇

第三百四十九類 糖色

第三百五十類 京果

第三百五十一類 茶食製法及糕板糖版并一切器具

第二門 麵粉

第三百五十二類 索麵切麵豆麵等

第三百五十三類 藕粉荔子粉小麥粉糯米粉粳米粉黃豆粉等

第三百五十四類 製麵製粉方法及圖畫

第三門 酒(附調味品)

第三百五十五類 清酒麥酒葡萄酒火酒玫瑰酒

第三百五十六類 花露荷蘭水檸檬水等

第三百五十七類 醬油麻油生油脂油麵醬等

第三百五十八類 醋胡椒芥辣

第四門 蜜漬(附醬醉品)

第三百五十九類 園藝品蜜漬

第三百六十類 農產品蜜漬

第三百六十一類 醬生薑醬瓜醉品等

第三百六十二類 以上各品之製法及其圖畫

第二十一部 美術

受驚成癩

此位患腦疾之女子曾受諸般痛楚直至得韋廉士大醫生紅色補丸使其腦筋有力而後已
 凡腦筋虛弱者一受驚嚇必生諸多險症試觀居於英國來克司罕地相近之少女所述之病狀可為明證焉其人
 因受驚嚇頓成癩病勢可畏生路絕望一旦得韋廉士大醫生紅色補丸使之腦筋強健痼疾獲愈茲將其自述
 之辭刊錄於左○英國來克司罕白林太軋地白林納帥路愛萊來威廉氏小姐云余昔偶遊花園突有一牝鷄飛
 撲余身猝不及防飽受虛驚入室後四支發顫人即氣鬱昏迷如醉如癡從此腦筋易受感觸每聞聲息便覺驚躍
 不甯手指震顫不能取物入口抑目屢顫不已片刻難過甚至全體皆然不克自持其病之劇如此醫士勸余臥床



愛萊來威廉氏小姐患跳舞瘋病為韋廉士大醫生紅色補丸所治愈
 靜養不料越數日後竟成爲跳舞瘋病四支跳躍不休惟有束以皮帶
 或可稍當如是者纏綿數月幾成爲無力之小孩不能獨處一室每覺
 部軀弱顫於消化故也余因腦筋易於感觸所以不能牽扯橫斜一日有
 頭痛身弱四支戰慄全身抽搐頭顱搖不已面被牽扯橫斜一日有
 女友探望乃以與余相似之病症爲韋廉士大醫生紅色補丸所治愈
 者向余母述說之並勸余亦試服是丸余初服之時便覺功效奇妙無
 常蓋其奏效非在一時乃係由漸而進既服三四瓶後手能執杯而無
 顫撲之虞胃口增進能食清淡之物藥既對症體漸生力闔家爲之歡
 樂所有抽搐震顫消除殆盡身體康健大有進步值至跳舞瘋病竟爲

韋廉士大醫生紅色補丸所治愈現年十有九歲絕無復發之患矣○韋廉士大醫生紅色補丸能使軟弱之血得
 以稠濃乏力腦筋得以滋補無論男女皆有裨益已會醫治無數血薄氣衰山林瘴氣肝經各病胃不消
 化稠濃乏力腦筋得以滋補無論男女皆有裨益已會醫治無數血薄氣衰山林瘴氣肝經各病胃不消
 衝心風溼骨痛腎軟痠痛筋系刺痛脊腦痠癱左癱右瘓腦筋失調少年斲喪各處藥局凡經
 售西藥之處均有代售或直向上海九江路B字第八號韋廉士大醫生藥局總發行處購買亦可
 英洋八元每一瓶英洋一元五角遠近郵費一律不取

上海九江路B字第八號韋廉士大醫生藥局啟

縱覽會

本月二十日至二十六日本場開第四次縱覽會前四日男客入覽後三日女客入
 覽每日由上午十二鐘至下午六鐘無論官紳士庶均可進場游觀藉開風氣不取
 分文天津河北窩窪實習工場謹白

新 啟
告廣司公限有灰洋



啓者本公司係承受唐山洋灰公司老廠另購外洋最新式機器旋客等創設
 新廠自丁未臘月新廠開機以來出貨加增行銷愈廣灰質經本廠西洋化驗
 師悉心研究精益求精會寄由德國國家栢林及日本關東都督府各化驗所
 驗得動力堅力及凝結時刻灰之粗細均合要工所用其成色與外洋最高之
 貨相等倘有機器製造之缸磚花磚洋灰瓦水溝管矸子土等項無論躉零交
 易均可本公司總理處設在天津海大道英租界並在天津奉天大連烟台牛
 莊青島上海漢口南京鎮江各埠均設有經售處如蒙 賜訂大批價值從廉
 交貨不悞期限所有洋灰及各種磚瓦等件重量式樣大概用法另刊有華洋
 文廣告 光顧諸君請向本公司索閱面議一切可也
 德律風一千三百零九號

得利洋行

大小皮包法國洋號又新到轉盤換調話匣八音盒價值格外從廉仕宦官商尤願者請移玉紫竹林法租界本
 行面議可也
 本行開設天津上海香港志呢華海參歲等處均設立有年諸班貨物由外洋本機器廠自造磁
 蘭洋鐘皮套鐘天文坐卦等鐘以及金銀夾金銅鋼等表約有二百餘宗並各樣表練金鑲珠寶
 鑽石戒指留耳墜鐲子表墜大小八音盒並留聲話匣單雙桶千里眼砒蘭磨花穿衣鏡妝梳洋鏡

瑞林祥元記
綢緞洋貨莊

本號開設北京前門外鮮魚口天津估依街中間路北山東濟南府院西路北自置綢
 緞紗羅顧繡粧蟒洋貨布疋各色喇啞厚呢京廣什貨俱全貨高價廉劃一不二後廳內專售
 線貨織絨袍料衣被套口袋線毯毛毯零賣均照行價發兌中外 紳商賜顧移玉是幸
 瑞林祥元記具

武齋洋行

本行開設天津 於茲二十餘年 自運各種洋貨 絨紗布匹綢緞 繡化屏風鏡額
 磁銅料器磁藍 奇巧美術玩器 學界文房用品 旋行携帶等件 精工鑲身物料
 定織各色膠氈 現又擴充樓房 極其寬闊高大 如蒙官商光顧 價值格外從廉
 本行隨便入覽 電話一千三百七十四號 天津法租界 武齋洋行謹啓

商務印書館出版各書上海總發行所 分館 發售

欽定大清會典事例全書 會典 版式大小謹遵 商務印書館恭印

是書前由敝館承印伏讀外務部 進呈原奏有印造尙屬精工等語查王公京外大臣得蒙 頒賜是書者僅一百三十八部敝館曾於去年縮印發售旬月間已疊再版顧海內宏達深以未見原書爲憾且原書有圖十二函亦以過於精細未能縮印致付闕如茲特再行攝影一切版式圖畫悉如原書刻已印成樣本欲閱者函示即寄○一全書四百九十四冊分裝八十二函計會典六函事例六十四函圖志函○一定額二百部售完不再印○一定價規銀四百兩預約者減爲二百五十兩○一預約以本年九月底爲限先付規銀五十兩○一本年內先出會典六函圖十二函宣統二年四月續出事例六十四函全書告竣○一遠地郵費運費概照實計○一詳細章程具載樣本中○一發售預約券處在上海本館總發行所各省分館

新譯日本議會紀事全編出版

陽湖孟森校訂無錫蔡文森侯官王我臧輯譯 是書自日本開國會始至今年止凡二十五期 其初羌無故事朝野皆奉一憲政爲準繩爲國 爲民政府與議員各盡其道中間財政之抗爭

法律之改訂或以爭執爲攻錯或以和衷爲救濟政府之待遇議會與議會之對付政府皆新立議會者必 經之層折吾國現狀與此適合不但行政官與議員急宜人手一編以資觸發無論何人皆宜循覽庶知人 民參政之實際全書分訂四冊定價一元五角茲因諮議局不日開辦趕將前二冊先行出版後二冊七月 出版預定者實價一元收到書價後即交前二冊並付收條俟後二冊出版時憑條取書特此預告外埠郵 費照加

天津 館開設 河北大胡同 電話五百二十六號



天津商務印書館新書出版



勸賑災啟

敬啟者昨閱甘省督憲以各督撫請助賑電云甘省連歲苦旱蘭州七屬暨涼州平番鞏昌安定等州縣前歲被災去秋尤甚今春雨雪愆期近會甯碾伯及各土司又先後報災邊地高寒水泉素乏童山彌望生植不饒一遇旱乾即成凶禳現被災之區草根樹皮掘取殆盡鄉間人口牲畜已多餓斃又接甘省紳士紛紛來函據稱該省至有人相食之慘窮民紛紛亂逃糧價日增麥已漲至每石三十六七兩稻草已漲至每斤二十七八文視向來不啻十倍伏念甘省僻在西陲地瘠民貧蓋藏本鮮此番被災時則三年之久地則數十州縣之廣人則百數十萬之多雖督臣奏上 朝廷曾撥帑金六萬散諸災區勢難彌給非再有巨款接濟何能救此哀鴻夫天災流行國家代有救災恤患義不容辭况甘民雖素稱良懦然飢寒所迫恐有鋌而走險之虞加以西北地方近接強鄰回亂以後元氣未復禍機一發何堪設想今日之救甘民為甘民計未嘗非為全局計也現上海諸公已發起助賑會無非出於愛國愛民之苦心同人復敢為甘民請命敬懇 仁人君子慨然解囊量力輸助以便彙寄該省活此窮黎庶幾上紓朝廷宵旰之憂下解民生倒懸之苦功在一隅澤敷全國甘民幸甚天下幸甚謹啟

籌賑處

北京驛馬市大街恆裕金店
天津獅子林北洋官報總局

京奉路局招考日期提前廣告

本局前擬於八月十七日考試現奉 郵傳部電開准於八月十二日考試筆算代數十三日考試英文譯漢漢文譯英十七日考試口授英文講義筆述英文論說十九日考試中國輿地國文論說除中國輿地國論論說外概用英文考試如各生精於法德文代英文者試後仍令具願書補習英文送京每門各試兩點鐘等因奉此遵即改准於八月十二日考試仰各生一體遵照特佈

本局廣告

本局承辦印刷研究
精良近益不惜重資
延聘外洋著名工師
添購新式機器精製
雕刻銅版所有承印
各種紙幣股票等件
圖畫精巧色澤鮮明
紙質堅緻屢蒙中外
外官商照顧頗加獎
譽茲為推廣招徠起
見自本年起承印各
項價目格外減讓以
副官商雅意如蒙
賜顧請至本局賬
房面議可也

直隸諮議局議案預備會廣徵同人

意見書公啟

吾省諮議局會期在即該局之權限及應議事件之範圍皆須根據於諮議局章程不待言矣惟將一省大政組織一純全之議決機關以討論其可否而監督行政官之執行此為吾國數千年來未聞之創舉徵之前事既無慣例之可循取法外人又皆情形之各異本屆會期議案使不預行籌備非臨機倉猝而不知所措即茫無根據而難望有成現在津諸同人創辦直隸諮議局議案預備會已公擬簡章設調查員若干人編輯員若干人各就所知提議若干條着手預備然一省應議事項至極廣汎說經濟則如實業何由振興荒蕪何由開墾論財政則如稅何由清理公債何由募集關於立法則如興辦一事必慎定規則以固其基改革一事必詳立章程以善其後關於行政則如到處皆是之局所差委若何浮濫久經辦理之警務教育有無進步其他如各地方之庶政諸官廳之積弊尤如亂絲紛無頭緒非有專門學識及實地經驗之才斷難奏效伏望熱心時政之同人贊助本會發表政見以期得完全之議案而為吾省諮議局成立之先聲庶不致臨時債事貽誤無窮不勝盼望之至

再對於本會之意見書至八月三十日截止信函寄本會事務所（本會務所在天津河北三條石自治研究總所內）

直隸諮議局案預備會 啟

恤隣廣告

敬告者現值兩湖吉林各省被水成災居民田廬牲畜冲沒殆盡其情慘不忍聞亟應勸辦義賑以資協濟如蒙諸大善長慨捐賑款請送至北馬路商務總會擊取收據以便彙解災區散放拯救災黎不勝盼切之至此佈

天津商務總會代收甘肅賑款昨匯公砒化寶銀五千兩移解賑撫局轉解災區散放矣

天津救急善會具